

## 家人卦第三十七（下離火 上巽風 — 風火家人卦）



家人，利女貞。

1. 人之居室謂之家，家人卦象徵一家之人，或含善理一家之事。家內之事，由女子主之，非君子丈夫之正事，故謂利於女子之固守正道。
2. 孔穎達曰：明家內之道，正一家之人，故謂之家人。既修家內之道，不能知家外他人之事，統而論之，非君子丈夫之正，故但言利女貞。
3. 朱熹曰：家人者，一家之人也，卦之九五、六二，外內各得其正，故為家人。利女貞者，欲先正乎內也，內正則外無不正矣。
4. 劉沅曰：火生於木，得風而盛，猶夫婦之道相須而成。內外一氣相濟，九五、六二各得陰陽之正。女貞乃家人之本，正家之先務。正在女，所以正者在丈夫。正家之道在於嚴以立法，寬以通情，寬嚴並濟，不可偏廢。
5. 序卦傳：夷者，傷也。傷於外者必反其家，故受之以家人。

彖曰：家人，女正位乎內，男正位乎外，男女正，天地之大義也。家人有嚴君焉，父母之謂也。父父，子子，兄兄，弟弟，夫夫，婦婦，而家道正；正家而天下定矣。

1. 彖傳曰：家人卦之六二、九五爻，分居內外卦之中位而得正，猶如家庭之中，男主外，女主內，男女各得其正位，正合乎天地間陰陽、尊卑有別之大道理。一家人中必須有受尊敬的君長，父母即為一家之君長，故當倍受尊敬。

◎嚴，尊敬也。嚴君，指父母，本卦指上九爻。

2. 劉沅曰：彖（卦）辭以巽離二體言，故曰女貞。彖傳則以二、五爻言，故兼言男女。女之正由於男之正，六二陰柔得正而居內卦，是女秉順德以正內，九五陽剛得正而居外卦，是男秉健德以正外，男女本於天地，各得其正則合乎天地也。故曰天地之大義也。◎巽，長女。離，次女。
3. 程頤曰：雖一家之小，無尊嚴則孝敬衰；無君長則法度廢。有嚴君而後家道

正，家者，國之則也。

4. 父慈、子孝、兄友、弟恭，夫婦有別，各盡其責，而後家道可正，天下之家皆得正，則天下可太平安定。
5. 范仲淹曰：陰陽正而男女得位，君子理家之時也。明乎其內，禮則著焉；順乎其外，孝弟形焉。聖人將成其國，必正其家。一人之家正，然後天下之家正；天下之家正，然後孝弟大興焉，則天下何不定之有。
6. 馬振彪曰：中庸言，君子之道造端乎夫婦，及其至也，察乎天地。此天地之大義也，由於男女正也。大學言，治國必先齊家，平天下在治其國。家國天下，人人得其正，則大定矣。是學、庸所發明者，有合乎易象家人卦矣。
7. 俞琰曰：彖（卦）辭舉其端，故但言利女貞；彖傳極其全，故兼言男女之正，又以父子、兄弟、夫婦推廣而備言之。

象曰：風自火出，家人；君子以言有物而行有恆。

1. 大象傳曰：家人卦內離火、外巽風，有風自火出之象。說明家事之影響自內而外，乃關係到社會風化及國家興衰。
2. 孔穎達曰：火之初出，因風方熾；火之炎盛，還復生風：內外相成，有似家人之意。
3. 君子者觀察家人卦風自火出之象，悟知家事之影響是自內而外，日常家居小事，將影響到社會風化。故當時時注意自修小節，謹言慎行，言必有物，行必有恆。 ◎物，事實也。 ◎恆，常德、法則。
3. 程頤曰：正家之本在正其身，君子觀風自火出之象，知事之由內而出，故言必有物、行必有恆也。言慎行修，則身正而家治矣。
4. 楊時曰：言忠信則有物，行篤敬則有恆。
5. 劉沅曰：家人之所以發邇而見遠者，言行而已。言行正而後家正。有物象火，言皆實踐不虛也；有恆象風，行皆久遠不變也。
6. 繫辭云：君子居其室，出其言善，則千里之外應之，況其邇者乎？出其言不善，則千里之外違之，況其邇者乎？言出乎身，加乎民，行發乎邇，見乎遠。言行，君子之樞機，樞機之發，榮辱之主也。言行，君子所以動天地也，可不慎乎？ 馬振彪曰：由繫辭之言觀之，言行所感應者，正則榮，不正則辱。正，天地之大義，有物有恆，合乎天地之大義。故君子正家，必驗諸言行也。

初九，閑有家，悔亡。

象曰：閑有家，志未變也。

1. 初九處家人卦之始，陽剛得位，於家道初立之時，即能嚴防邪惡之生於未萌，

故能保有其家而無所悔恨。 ◎閑，防也，指防止不法及邪惡。

2. 李世鈺曰：初九乃家人之始至，家道之始立，志未變，情未瀆，而以剛德閑之，雖承陰而悔亦亡。

3. 王弼曰：凡教在初，而法在始，家瀆而後嚴之，志變而後治之，則悔矣。

4. 胡炳文曰：初之時當防，九之剛能防。顏之推曰：「教子嬰孩，教婦初來」。其得此爻之義乎？

5. 程頤曰：治家者苟不閑之以法度，則人情流放，必至於有悔。失長幼之序，亂男女之別，傷恩義，害倫理，無所不至。能以法度閑之於始，則無是矣。

6. 象傳曰：初九於家道初立之時，即能嚴防邪惡之生於未萌，故能保有其家者，

乃說明其剛健能防，且能慎防於其心意未改變之初。

7. 馬振彪曰：閑之於初，本心未變，猶易為力。若志變而後為之，悔無及矣。

六二，無攸遂，在中饋，貞吉。

象曰：六二之吉，順以巽也。

1. 六二居家人卦下卦之中，柔順中正，上應於陽剛九五，有婦人順夫之象。故

於事無所專主，亦無所成就，惟掌家中飲食之事為其正位，守其家內之正位，

可獲吉祥。 ◎遂，成也。無攸遂，謂不專主其事，無所成就。 ◎中饋，謂

家中飲食之事。 饋，音餽，進物於尊者也。

2. 六二爻辭之意，實為古代禮教所宣揚婦德之典型，而於今日社會則多有不合

時宜或與事實不符之處。

3. 荀爽曰：六二處和得正，得正有應，有應有實，陰道之至美者也。坤道順從，故無所得遂。供肴中饋，酒食是議，故曰在中饋。居中守正，永貞其志則吉，

故曰貞吉。

4. 王弼曰：六二居內處中，履得其位，盡婦人之正義，無所必遂，職乎中饋，巽順而已。
5. 大戴禮云：婦人，伏於人者也。是故無專制之義，有三從之道。在家從父，適人從夫，夫死從子，無敢自遂也。詩曰：無非無儀，惟酒食是議，婦之美德也。
6. 象傳曰：六二之所以獲得吉祥，乃由於其有柔順而謙遜的美德，能守其家內之正位。
7. 劉沅曰：易言「順以巽」者三：蒙六五爻言事師之道；漸六四爻言事君之道；家人六二爻則言事夫之道。

九三，家之嗃嗃，悔厲，吉；婦子嘻嘻，終吝。

象曰：家之嗃嗃，未失也。婦子嘻嘻，失家節也。

1. 九三處下離之上，陽剛得正，有嚴於治家，家人愁苦多怨之象。此時家事雖多有悔恨，甚至有危厲，惟不失正道，仍獲吉祥。若不嚴而寬，放縱婦人、兒童歡樂笑鬧，則有失家道，終必有憾惜。 ◎嗃嗃，眾口愁怨聲。 ◎

嘻嘻，歡樂笑鬧聲。皆狀聲詞。

2. 王弼曰：九三以陽居陽，剛嚴者也，處下體之極，為一家之長。行與其慢也，寧過乎恭；家與其瀆也，寧過乎嚴。是以家雖嗃嗃而悔厲，猶得吉也；婦子嘻嘻，則失家節矣。
3. 程頤曰：骨肉恩勝，嚴過故悔。然而家道齊肅，人心祇畏，猶為吉也。若婦子嘻嘻，則終至羞吝矣。
4. 胡炳文曰：嗃嗃，以義勝情，雖悔厲而吉。嘻嘻，以情勝義，終吝。
5. 胡炳文又曰：悔，自凶返吉；吝，自吉趨凶。九三以剛居剛，若能嚴於家人者，然比於二柔，若易昵於婦子者，九三在吉凶之間，故悔吝之占兩言之。
6. 象傳曰：嚴於治家，使家人愁苦多怨者，乃說明九三未失其嚴管勤教、整飭家規之責。若不嚴而寬，放縱婦人、兒童歡樂笑鬧者，則指出九三已失其寬嚴並濟、合於節度的家規。

7. 劉沅曰：節者，寬嚴得中也。嚴以立法，寬以通情，不可偏廢也。

六四，富家，大吉。

象曰：富家大吉，順在位也。

1. 六四陰虛本不富，惟柔順得正，下應初九，上承九五，大得陽剛之富實，故

有增富其家之象，因得大吉。 ◎富，福祿昌盛。富家，謂增富其家也。

2. 李世鈺曰：六四為巽之主爻，又承陽應陽，故富。又卦中二陰皆得正承陽，二在下，故事人，四在上，故養人。

3. 李光地曰：男之功成於女，猶天之功成於地，此家人所以為利女貞也。故大吉之辭，不於五而於四言之。

4. 象曰：六四大得陽剛之富實，能增富其家，因得大吉者，乃說明其有順德，

能順承於居尊位之陽剛者。

5. 俞琰曰：禮運云：父子篤，兄弟睦，夫婦和，家之肥也，豈為多財為吉哉。以順居之，則滿而不溢，可以保其家。 ◎肥，富也。

6. 劉沅曰：四在他卦為臣道，在本卦為妻道。夫主教一家，婦主養一家，老子所謂教父、養母也。自二之在中饋，進而至四之富家，內職舉矣。

九五，王假有家，勿恤，吉。

象曰：王假有家，交相愛也。

1. 九五陽剛中正，尊居君位，下應六二柔正，能以美德感化天下，猶如君王以

天下為家，恩澤廣被，大有其家。無須憂慮，可獲吉祥。

◎假，音格，大也，至也。

2. 陸績曰：九五得尊位，據四應二，以天下為家，故曰：王大有家。

3. 蘇軾曰：王者以天下為家，君臣欲其如父子，父子欲其如君臣，聖人之意也。

4. 李士鈺曰：王有家者，略君臣之分，敦家人之宜，聯之以恩，接之以情，交愛故吉。後世人君處家庭，釀成骨肉之變，此易之所戒也。而王者以四海為家，王道隆則齊家之效遠矣。

5. 象曰：九五君王能以天下為家，恩澤廣被，而大有其家者，乃說明其能以王

者之尊，略去君臣之分，敦睦家人之誼，交相愛慕而大有其家。

6. 王弼曰：九五居尊位而明家道，則天下莫不化矣。父父、子子、兄兄、弟弟、夫夫、婦婦，六親和睦，交相愛樂，而家道正，正家而天下定矣。
7. 黃壽祺曰：九五爻之意旨，在說明王者立身端正，則能感格天下，使天下如一家。詩曰：「刑于寡妻，至于兄弟，以御于家邦」，正合於此爻意。

上九，有孚威如，終吉。

象曰：威如之吉，反身之謂也。

1. 上九以陽剛處家人卦之終，居一家之長，既能心存誠信，又能威嚴治家，故

終獲吉祥。 ◎威如：不怒而威，威而不猛也。

2. 司馬光曰：上九以陽居上，家之至尊者，家人望之以為儀表，苟其身正，不令而行，是內盡至誠，為下所信，然後威如可畏，而獲終吉。
3. 程頤曰：上九處上卦之終，家道之成，故極言治家之本，非至誠不能也。中有誠信，則能長久，而眾人自化為善。不由至誠，已且不能常守，況欲使人乎？妻孥情愛之間，慈過則無嚴，恩勝則掩義，故家之患，常在禮法不足，而瀆慢生也。長失尊嚴，少忘恭順，而家不亂者，未之有也。
4. 王弼曰：凡物以猛為本者，則患在寡恩；以愛為本者，則患在寡威。故家人之道，尚威嚴也。家道可終，唯信與威，身得威敬，人亦如之，反之於身，則知施於人也。
5. 象傳曰：上九之能威嚴治家而獲吉祥者，乃說明其能反身自省，先嚴其身。

◎反身，反求於自身也，含有身教重於言教之道理。

6. 都絜曰：天下之本在國，國之本在家，家之本在身，能反身則天下定矣。  
朱熹曰：反身自治，則人畏服之矣。
7. 吳曰慎曰：家人之道，男以剛嚴為正；女，以柔順為正。初曰閑，三曰厲，上曰威，男子之道也；二、四象傳皆曰順，婦人之道也。